



REPUBLIKA E KOSOVËS
REPUBLIKA KOSOVA / REPUBLIC OF KOSOVO
KËSHILLI PROKURORIAL I KOSOVËS / TUZILAČKI SAVET KOSOVA / KOSOVO PROSECUTORIAL COUNCIL

Këshilli Prokurorial i Kosovës në bazë të nenit 109 dhe 110 të Kushtetutës së Kosovës, nenit 20 të Ligjit për Këshillin Prokurorial të Kosovës dhe nenit 20 të Ligjit për Prokurorin e Shtetit, në mbledhjen e mbajtur me datë 26 nëntor 2014, miraton:

RREGULLORE

**PËR KRITERET DHE PROCEDURËN E NOMINIMIT DHE PROPOZIMIT PËR
EMËRIM TË KRYEPROKURORIT TË SHTESTIT**

Neni 1
Qëllimi

Kjo rregullore ka për qëllim përcaktimin e kriterëve dhe procedurave të cilat do t'i mundësojnë KPK-së, të përcaktojë një proces objektiv, transparent, jodiskriminues dhe gjithëpërfshirës lidhur me procedurën e nominimit dhe propozimit të kandidatit për emërim për Kryeprokuror të shtetit.

Neni 2
Përkufizimet

1. Shprehjet dhe shkurtesat e përdorura në këtë rregullore e kanë këtë kuptim:
 1. **Ditë**..... nënkupton ditë kalendarike në rast që dita e fundit është dite pushimi afati shtyhet për ditën e parë të punës ;
 2. **"AKI"**..... nënkupton Agjencinë e Kosovës për Inteligjencë
 3. **"AKK"**..... nënkupton Agjencinë kundër Korrupsionit;
 4. **Komisioni për ri-konsiderim** nënkupton Komisionin për shqyrtim të kërkesave të paraqitura ndaj vendimeve të panelit të KPK-së për ri-konsiderim preliminar të aplikacioneve për Kryeprokuror të Shtetit;

5. "KPK" nënkupton Këshilli Prokurorial i Kosovës;
6. "KPSH" nënkupton Kryeprokurorin e Shtetit;
7. "NJIF" nënkupton Njësinë e Inteligjencës Financiare;
8. "NJSHPP" nënkupton Njësitin për Shqyrtimin e Performancës së Prokurorëve;
9. "PA" nënkupton Prokurorinë e Apelit;
10. **Paneli për shqyrtimin preliminar** nënkupton panelin për shqyrtim të aplikacioneve për Kryeprokuror të Shtetit;
11. **Përvoja ligjore** nënkupton përvojën si prokuror, gjykatës, avokat mbrojtës, profesor i të drejtës penale, bashkëpunëtor profesional apo zyrtar ligjor në gjykatë, prokurori, institucion qeveritar apo shtetëror, noter apo këshilltar në lidhje me çështjet që kanë të bëjnë me zbatimin e ligjeve në çështjet penale.
12. "PSRK" nënkupton Prokurorinë Speciale të Republikës së Kosovës
13. "PSH" nënkupton Prokurorin e Shtetit
14. "ZPD" nënkupton Zyrën e Prokurorit Disiplinor

Neni 3

Kriteret e përgjithshme për nominimin dhe propozimin për KPSH

1. Të jetë shtetas dhe banor i Republikës së Kosovës;
2. Të ketë diplomë të fakultetit juridik, të pranuar sipas ligjeve të Kosovës;
3. Të ketë kaluar provimin e jurisprudencës, të pranuar sipas ligjeve të Kosovës;
4. Të mos jetë i dënuar me vendim të plotfuqishëm për vepër penale, me përjashtim të veprave kundërvajtëse;
5. Të ketë reputacion të lartë profesional dhe integritet moral.

Neni 4

Kriteret e veçanta për KPSH

1. Kandidati për KPSH duhet të plotësojë këto kriteret e veçanta:

- 1.1. Të ketë së paku tetë (8) vite përvojë juridike në të drejtën penale;
- 1.2. Të ketë së paku gjashtë (6) vite përvojë si prokuror; dhe
- 1.3. Të jetë prokuror me mandat të përhershëm.

Neni 5

Kriteret dhe indikatorët për procesin e nominimit dhe propozimit për emërim për KPSH

Gjatë procesit të nominimit dhe propozimit të kandidatit për KPSH përveç kriterëve sipas neneve 3 dhe 4 vlerësimi do të bazohet edhe në indikatorët e përcaktuar me paragrafin 3 të nenit 8 dhe nenet 13, 14 dhe 16 të kësaj Rregulloreje.

Neni 6

Vendimi i KPK-së për shpalljen e konkursit

1. KPK merr vendim për shpalljen e konkursit të brendshëm për emërimin e KPSH.
2. Vendimi për shpalljen të konkursit përmbanë afatin e aplikimit, kriteret dhe procedurat për nominimin dhe propozimin për emërim për KPSH, duke u bazuar në dispozitat Kushtetuese, Ligjin për KPK-në, Ligjin për PSH-në dhe në këtë Rregullore.
3. Shpallja e konkursit publikohet në ueb faqet e KPK-së, PSH-së dhe së paku në dy gazeta të përditshme në Kosovë, në dy gjuhët zyrtare;
4. Konkursi do të jetë i hapur 15 ditë nga dita e shpalljes në gazetatat e përditshme;
5. Afati i fundit për dorëzimin e aplikacionit sipas formularit 1 dhe vet-vlerësimit sipas formularit 2 është deri në ditën e fundit të mbylljes së konkursit për KPSH.
6. Kandidatët të cilët njoftohen se kanë plotësuar kriteret e përcaktuara në paragrafët 1, 2, 3 dhe 4 të nenit 3 dhe nenit 4 të kësaj rregulloreje, do të ftohen për të dorëzuar koncept dokumentin sipas formularit 3.
7. Afati për dorëzimin e koncept dokumentit është 15 ditë nga dita e shpalljes së listës përfundimtare të kandidatëve të cilët plotësojnë kriteret për KPSH.

Neni 7

Dokumentet plotësuese

1. Dokumentet e mëposhtme për secilin kandidat, do të sigurohen nga NJSHPP, nën mbikëqyrjen e drejtpërdrejtë të Kryetarit të KPK-së:
 - 1.1 Vlerësimin e përformancës nga ana e eprorit të kandidatit, për tre vitet e fundit;
 - 1.2 Njoftimin me shkrim nga AKK,
 - 1.3 Njoftimin me shkrim nga NJIF;
 - 1.4 Verifikimin nga AKI;
 - 1.5 Të dhënat lidhur me masat eventuale disiplinore ndaj kandidatëve dhe informacionet nga ZPD nëse ndaj ndonjë kandidati janë duke u zhvilluar hetime disiplinore nga ZPD.
 - 1.6 Të dhënat nga NJSHPP sipas bazës së shënimeve për çdo kandidat për tre vitet e fundit.
2. Në rastin kur NJSHPP nuk posedon vlerësimin e përformancës së kandidatit nga ana e eprorit të tij, mbetet obligim i kandidatit që ta sigurojë atë vlerësim.

Neni 8

Forma e Aplikimit

1. Çdo kandidat për KPSH, duhet të plotësojë formën e aplikimit, e cila do të publikohet në ueb faqet e KPK-së dhe PSH-së, në ditën e shpalljes publike të konkursit.
2. Forma e aplikimit është pjesë përbërëse e kësaj rregulloreje.
3. Çdo kandidat për KPSH, duhet të plotësojë formën e vet-vlerësimit e cila do të publikohet në ueb faqet e KPK-së dhe PSH-së, në ditën e shpalljes publike të konkursit.
4. Forma e vet-vlerësimit është pjesë përbërëse e kësaj rregulloreje dhe është pjesë e poentimit nga anëtarët e Këshillit.

Neni 9
Paneli i KPK-së për shqyrtimin preliminar

1. KPK do të themelojë Panelin për shqyrtimin preliminar të aplikacioneve për KPSH, në këtë përbërje:
 - 1.1. Një anëtar i KPK-së, kryetar;
 - 1.2. Një prokuror nga PA, i cili nuk ka aplikuar për KPSH; dhe
 - 1.3. Një prokuror nga PSRK, i cili nuk ka aplikuar për KPSH.
2. Paneli ka kompetencë dhe përgjegjësi vetëm për shqyrtimin e aplikacioneve për KPSH, nëse të njëjtat plotësojnë kriteret e parapara me nenin 3 paragrafi 1,2, 3 dhe 4 dhe neni 4 të kësaj rregulloreje.
3. Paneli brenda tre (3) ditëve shqyrton aplikacionet dhe përpilon listën e kandidatëve të cilët plotësojnë kriteret për KPSH.
4. Kandidatët të cilët nuk i kanë plotësuar kriteret për KPSH do të njoftohen me shkrim. Njoftimi duhet të përfshijë edhe informatën për të drejtën e kandidatit për të parashtruar kërkesë për ri-konsiderim tek Komisioni për ri-konsiderim në afat prej pesë (5) ditëve nga dita e pranimit të njoftimit.
5. Kandidatët të cilët i plotësojnë kriteret për KPSH do të njoftohen me shkrim.
6. Njoftimi lidhur me paragrafin 4 dhe 5 të këtij neni do të publikohet në dy gjuhët zyrtare në ueb faqet e PSH-së dhe KPK-së. Kandidatët do të njoftohen përmes email-it zyrtar dhe mesazhit telefonik. Konfirmimi për pranimin e njoftimit është i obligueshëm nga të gjithë kandidatët për KPSH.

Neni 10
Komisioni për ri-konsiderim

1. KPK themelon Komisionin për ri-konsiderim, me kompetencë dhe përgjegjësi për shqyrtimin e kërkesave për ri-konsiderim ndaj vendimeve të panelit të KPK-së për shqyrtim preliminar të aplikacioneve të kandidatëve për KPSH.
2. Komisioni për ri-konsiderim është në këtë përbërje:
 - 2.1 KPSH, kryetar;
 - 2.2 Një prokuror nga PA, i cili nuk ka aplikuar për KPSH;
 - 2.3 Një prokuror nga PSRK, i cili nuk ka aplikuar për KPSH.
3. Komisioni brenda pesë (5) ditëve nga dita e skadimit të afatit për pranim të kërkesave për ri-konsiderim do të marrë vendim për çdo kërkesë të pranuar.

4. Lidhur me vendimin e Komisionit, do të informohen kandidatët të cilët kanë paraqitur kërkesë për ri-konsiderim, si dhe anëtarët e KPK-së.
5. Vendimet e Komisionit publikohen në ueb faqet e KPK-së dhe PSH-së, më së voni 24 orë pas marrjes së vendimit.

Neni 11

Natyra publike e takimeve të Panelit dhe Komisionit

1. Puna e Panelit dhe Komisionit nga nenet 9 dhe 10 janë publike për shoqërinë civile dhe OJQ-të e specializuara në fushën e sundimit të ligjit.
2. KPK publikon njoftimin për oraret e takimeve të panelit dhe komisionit përmes ueb faqet e KPK-së dhe PSH-së, së paku 48 orë para mbajtjes së takimeve.
3. Njoftimi përfshinë: datën e takimit, kohën dhe vendin.
4. KPK përmes NJSHPP do të mbajë procesverbal lidhur me vendimet e çdo takimi.

Neni 12

Komisioni për vlerësim, intervistim dhe votim

Anëtarët e KPK-së, të cilët nuk janë kandidat në garën për KPSH e përbejnë komisionin për vlerësim, intervistim dhe votim.

Neni 13

Vlerësimi i kandidatëve për KPSH

1. Vlerësimi i kandidatëve për KPSH do të përfshijë: Integritetin personal, profesional dhe moral, i cili bazohet në:
 - 1.1. Vlerësimin e performancës, nga ana e eprorit të kandidatit, për tre vitet e fundit;
 - 1.2. Njoftimin me shkrim nga AKK;
 - 1.3. Njoftimin me shkrim nga NJIF;
 - 1.4. Verifikimin nga AKI;
 - 1.5. Të dhënat lidhur me masat eventuale disiplinore ndaj kandidatëve dhe informacionet nga ZPD-ja nëse ndaj ndonjë kandidati janë duke u zhvilluar hetime disiplinore.

- 1.6. Të dhënat nga NJSHPP sipas bazës së shënimeve për çdo kandidat për tre vitet e fundit.
2. Sipas nevojës KPSH mund të kërkojë informata shtesë lidhur me njoftimet e pranuar nga agjencitë e lartë përmendura.
3. KPSH kërkon njoftimet me shkrim dhe verifikimet nga paragrafi 1, pikat 1.2, 1.3, 1.4, 1.5 dhe 1.6 të këtij neni, për të gjithë kandidatët që kanë aplikuar për KPSH. Këto njoftime me shkrim dhe verifikimi vendosen në dosjen e kandidatit dhe në të kanë qasje anëtarët e KPK-së.

Neni 14 Vetvlerësimi dhe koncepti i dokumentit

1. Vet-vlerësimi, do të përmbajë:
- 1.1 Udhëheqja dhe lidhshmëria;
 - 1.2 Shkathtësitë menaxheriale dhe aftësitë për arritjen e rezultateve;
 - 1.3 Puna me njerëz dhe menaxhimi i tyre;
 - 1.4 Shembull për të tjerët dhe integritet; dhe
 - 1.5 Njohuri dhe përvojë praktike nga sistemi i drejtësisë penale (duke përfshirë çështjet relevante të të drejtave të njeriut).
2. Koncepti i dokumentit të kandidatit për KPSH duhet të përmbajë:
- 2.1 Vizioni lidhur me politikën dhe strategjitë për PSH-në dhe KPK-në për shtatë vitet e ardhshme;
 - 2.2 Aftësia drejtuese dhe lidhshmëria për të udhëhequr sistemin prokurorial në shtatë vitet e ardhshme;
 - 2.3 Shkathtësitë dhe aftësitë menaxheriale për shtatë vitet e ardhshme;
 - 2.4 Vizioni për të menaxhuar me personelin në sistemin prokurorial; dhe
 - 2.5 Integriteti, njohuri dhe përvojë praktike të sistemit të së drejtës penale, duke përfshirë çështjet relevante të të drejtave të njeriut.
3. Koncepti i dokumentit nuk duhet të përmbajë më shumë se 30 faqe me shkrim të llojit 'book antiqua', madhësia e shkronjave 12, hapësirë njëshe.

Neni 15

Ofrimi i informatave për koncept dokumentin

1. KPK do të vë në dispozicion dokumentet në vijim për secilin kandidat për KPSH që të ndihmojë atë në përgatitjen e koncept dokumentit:
 - 1.1 Raportet vjetore të KPK-së dhe të PSH-së, për tri vitet fundit;
 - 1.2 Organogramin e stafit të PSH-së dhe KPK-së;
 - 1.3 Raportin vjetor të vitit paraprak të Mekanizmit përcjellës për harmonizimin e raporteve statistikore;
 - 1.4 Buxhetin vjetor të PSH-së;
 - 1.5 Raportin mbi anketën e Prokurorëve për vitin 2013, të miratuar në KPK;
 - 1.6 Raportin e Komisionit për mbikëqyrjen dhe verifikimin e të dhënave statistikore për veprat penale të korrupsionit;
 - 1.7 Raportin e trajnimeve të ndjekura nga Prokurorët dhe stafi mbështetës;
 - 1.8 Planin vjetor të punës së KPK-së për vitin vijues.
2. Dokumentet e përmendura më lart mund të merren në NJSHPP nga të gjithë kandidatet për KPSH.

Neni 16

Intervistimi i kandidatëve për KPSH

1. Intervistimi i kandidatëve për KPSH bazohet në formularin e vet-vlerësimit, koncept dokumentin dhe të dhënat nga institucionet sipas nenit 13 të kësaj rregullore.
2. Secila intervistë mund të zgjatë deri në 120 minuta, duke përfshirë prezantimin e vizionit të paraqitur në koncept dokument.
3. Gjatë intervistimit të kandidatëve për KPSH, do të zhvillohet qasje e njëjtë për të gjithë kandidatët, lidhur me natyrën e pyetjeve dhe kohëzgjatjen e intervistës.
4. Pyetjet që mund të përdoren gjatë intervistës do të dizajnohen për të marrë informata relevante lidhur me faktorët specifik të përzgjedhjes duke përfshirë pyetjet e standardizuara. Gjatë intervistës mund të parashtrohen pyetje shtesë bazuar në përgjigjet e dhëna nga kandidati.

5. Si pjesë e intervistës, secili kandidat do të bëjë prezantim me gojë (20-30 minuta) duke prezantuar synimet kryesore të PSH-së dhe KPK-së për mandatin shtatë vjeçar, sfidat kryesore të PSH-së dhe KPK-së si dhe propozimet për realizimin e synimeve dhe adresimin ndaj sfidave. Pyetjet mund të parashtrihen bazuar në prezantimin me gojë.
6. Anëtarët e komisionit pas intervistimit të secilit kandidat diskutojnë për rrjedhën e intervistimit me qëllim të përafrimit të qëndrimeve rreth vlerësimit të kandidateve para poentimit final.

Neni 17 Poentimi i kandidatëve

1. Çdo anëtar i KPK-së poenton kandidatët në të gjitha kategoritë e parapra sipas kësaj rregulloreje.
2. Poenat e të gjithë anëtarëve të KPK-së mblidhen në një formular të vetëm për çdo kandidat.
3. Pas poentimit të kandidatëve, KPK bën renditjen e kandidatëve sipas poenave të fituara gjatë procesit të vlerësimit dhe intervistimit, duke renditur tre kandidatët më së shume poena.
4. Çdo anëtar i KPK-së, mund t'a poentojë një kandidat me më së shumti njëqind (100) poena, si në vazhdim:
 - 4.1. Për dokumentin e vet-vlerësimit një kandidat mund të poentohet nga një (1) deri në njëzet (20) poena;
 - 4.2 Për koncept dokumentin një kandidat mund të poentohet nga një (1) deri në njëzetepesë (25) poena;
 - 4.3 Për intervistën me gojë një kandidat mund të poentohet nga një (1) deri në njëzetepesë (25) poena;
 - 4.4 Për integritetin një kandidat mund të poentohet nga një deri në tridhjetë (30) poena, vlerësimi i integritetit të kandidatit do të bëhet pas intervistimit të kandidatit.
5. Poentimi i kandidateve për KPSH bëhet pas procesit të intervistimit, për të gjitha kategoritë.
6. Kandidati i cili nuk hynë në listën e tre (3) kandidatëve për votim në KPK, brenda tre (3) ditëve pas njoftimit, mund të kërkoj nga KPK të ri-konsiderojë kërkesën e tij.

7. Njoftimi nga paragrafi 7, i këtij neni bëhet me shkrim. Njoftimi përfshin poentimin e përgjithshëm të kandidatit.
8. Kandidatët kanë të drejtë për të verifikuar poentimin përmes qasjes në formularin e poentimit sipas kërkesës së kandidatit. Mirëpo, kandidati nuk ka të drejtë qasje në identitetin e anëtarit të KPK-së i cili ka bërë vlerësimin dhe poentimin individual.
9. Formulari i poentimit sipas kërkesës së kandidatit është pjesë e kësaj rregulloreje.
10. KPK në afat prej pesë (5) ditësh pas pranimit të kërkesës së kandidatit për të verifikuar poentimin, do të vendosë nëse kërkesa pranohet apo refuzohet dhe njofton me shkrim kandidatin për marrjen e vendimit i cili duhet të jetë i arsyetuar.
11. KPK publikon listën e kandidatëve me numrin e poenave të fituara në procesin e vlerësimit.

Neni 18

Procesi i votimit dhe propozimit për emërim për KPSH

1. Tre kandidatët e parë, të cilët marrin më së shumti poena, do të hyjnë në procesin e votimit të fshehtë.
2. Të gjithë anëtarët e KPK-së, pjesë e konkursit për emërimin e KPSH, përjashtohen nga procesi i votimit dhe nominimit për emërim.
3. Nëse votimi i fshehtë rezulton me barazim, votimi i fshehtë do të përsëritet vetëm për kandidatët që kanë marrë vota të barabarta, deri në votimin në të cilin një kandidat merr votat e nevojshme për KPSH.
4. Kandidati i cili në votimin e fshehtë fiton më së shumti vota nga anëtarët e KPK-së do të propozohet për emërim për KPSH, tek Presidenti i Republikës së Kosovës.
5. Propozimi për emërim nënshkruhet nga Kryetari i KPK-së. Propozimi për emërim duhet të jetë i arsyetuar me shkrim, duke përfshirë gjithë procesin e nominimit të kandidatit të propozuar për emërim për KPSH.
6. Propozimi për emërim të kandidatit për KPSH nga KPK, i dërgohet Presidentit të Republikës së Kosovës të, jo më vonë se dhjetë (10) ditë pune nga dita e marrjes së vendimit.

7. Mbledhja dhe votimi i fshehtë i KPK-së, mbahet i hapur për publikun, por KPK mund të votojë për të mbyllur pjesën e mbledhjes gjatë së cilës diskutohen meritat e kandidatëve për KPSH.

Neni 19

Publikimi i koncept dokumentit

Pas emërimit të KPSH nga ana e Presidentit të Republikës së Kosovës, KPK publikon koncept dokumentin e tij në ueb faqet e KPK-së dhe të PSH-së.

Neni 20

Gjuhët

1. Procesi i përzgjedhjes së KPSH zhvillohet në gjuhët zyrtare të Kosovës.
2. Aplikimi bëhet në gjuhët zyrtare të Kosovës.
3. Dokumentet dërgohen në gjuhët zyrtare të Kosovës. Aty ku dokumentet mbështetëse janë të shkruar në gjuhë të ndryshme, ato duhet të shoqërohen me përkthim gjuhët zyrtare të Kosovës.
4. Intervistat zhvillohen në gjuhët zyrtare të Kosovës.
5. Aplikuesit në formën e aplikacionit duhet të specifikojnë se në cilën prej gjuhëve zyrtare të Kosovës preferojnë të intervistohen.

Neni 21

Konflikti i interesit

1. Legjislacioni lidhur me konfliktin e interesit, sipas nenit 16 të Rregullores mbi Punën dhe Veprimtarinë e KPK-së dhe Kodi i Etikës dhe Sjelljes Profesionale për Prokurorë dhe anëtarë të KPK-së do të zbatohen lidhur me aktivitetet e mbuluara nga kjo Rregullore.

Neni 22

Komunikimi jozyrtar gjatë procesit të nominimit dhe propozimit për emërim të KPSH

1. Nga afati i fundit për dërgimin e formave të aplikacionit dhe të vet-vlerësimit deri në datën e propozimit për emërim të kandidatit për KPSH tek Presidenti Republikës së Kosovës, asnjë anëtar i Panelit të KPK-së, Komisionit për rikonsiderim dhe stafit të KPK-së apo PSH-së nuk do të ketë komunikim jozyrtar me kandidatin për KPSH. Shkelja e kësaj dispozite rezulton me procedurë disiplinore.

2. Nga afati i fundit për dërgimin e formave të aplikacionit dhe të vet-vlerësimit deri në datën e emërimit tek Presidenti Republikës së Kosovës, asnjë person aplikacioni për pozitën e KPSH i të cilit është në konsiderim nuk do të angazhohet në komunikim jozyrtar lidhur me aplikacionin e tyre me ndonjë anëtar të Panelit, Komisionit dhe anëtarëve të KPK-së. Shkelja e kësaj dispozite do të merret në konsideratë gjatë vlerësimit të integritetit të kandidatit.

Neni 23

Konfidencialiteti, mbrojtja dhe klasifikimi i të dhënave

Te gjitha aktivitetet e mbuluara nga kjo rregullore do të bëhen në pajtim me legjislacionin në fuqi në lidhje me mbrojtjen e të dhënave personale, klasifikimin e dokumenteve.

Neni 24

Hyrja në fuqi

Kjo Rregullore hyn në fuqi ditën e miratimit nga Këshilli Prokurorial i Kosovës.

Miratuar me datë: 26 / 11 / 2014

Sylë Hoxha

Kryetari i Këshillit Prokurorial të Kosovës





Republika e Kosovës
Republika Kosova / Republic of Kosovo
Këshilli Prokurorial i Kosovës / Tužilaški Savet Kosova / Kosovo Prosecutorial Council

Forma numër 1

FORMULARI PËR APLIKIM PËR POZITËN KRYPROKUROTIT TË SHTETIT

Procedure e Aplikimit	
Nr. i regjistrimit	Data

1. Të dhënat personale		
Mbi emri	Emri	[] Mashkull [] Femër
Adresa e tanishme:		
2. Informata lidhur me disa të afërt		
3.1 A është ndonjë nga të afërmit tuaj pjesëtar i KPK-ës? PO ☐ JO ☐		
3.2 A është ndonjë nga të afërmit tuaj i punësuar në KPK apo në Prokurorinë e Shtetit? PO ☐ JO ☐		
Nëse përgjigja ndaj ndonjërës nga pyetjet më lartë është "Po", atëherë jepni të dhënat si në vijim:		
Emri	Marrëdhënia	Institucioni dhe pozita
3. A keni jetuar jashtë Kosovës gjatë 20 viteve të fundit? PO ☐ JO ☐		
Shënoni të gjitha vendet jashtë Kosovës në të cilat keni jetuar gjatë 20 viteve të fundit, duke filluar nga vendbanimi i tanishëm (duke përfshirë qëndrimet për arsye të udhëtimit dhe festave)		
Qyteti / Fshati:		
Adresa / Rruga :		
prej (muaji/viti):		
deri (muaji/viti):		
Qyteti / Fshati:		

Adresa / Rruga:			
prej (muaji/viti):			
deri (muaji/viti):			
4. Anëtarësia në parti politike			
Deklaroj se nuk jam pjesëtar i ndonjë partie politike. PO ☐			
Nënshkrimi: _____		Data: _____	
5. Ankesat ndaj jush			
Kjo pjesë ka tetë pyetje. Përgjigjuni në secilën pyetje me "PO" ose "JO". Për çdo përgjigje "PO" ofroni informacionin e kërkuar.			
5.1A është paraqitur ndonjëherë ankesë ndaj jush në ndonjë organ disiplinor? PO ☐ JO ☐			
Data e ankesës			
Paraqitur në	:	Emri i ankuesit	
Përshkruaj:			
A keni qenë të informuar lidhur me paraqitjen e ankesës? PO ☐ JO ☐			
Data e njoftimit:		Njoftimi është bërë nga:	
5.2 A është zhvilluar ndonjëherë procedure hetimore ndaj jush si rezultat i ndonjë ankesë? YES ☐ NO ☐			
Data e nisjes së hetimit			
Hetime u zhvilluan nga (institucioni)			
Qyte ti		Shteti	
A keni qenë i njoftuar lidhur me nisjen e hetimeve? PO ☐ JO ☐			
Data e njoftimit:		Njoftimi është bërë nga:	
5.3 Si rezultat i këtij hetimi, a është rekomanduar ndonjë masë sanksionuese (p.sh. vërejtje, gjobe, punë provuese, pushim i detyrueshëm, rehabilitim, shkarkim, ulje në pozitë apo ndonjë masë tjetër sanksionuese)? PO ☐ JO ☐			

Data e rekomandimit			
Autoritetit rekomandues			
Përmbajtja e rekomandimit			
Qyteti		Shteti	
A keni qenë të informuar lidhur me rekomandimin PO ☐ JO ☐			
Data e njoftimit:		Njoftimi është bërë nga:	
5.4 Përshkruani hapat e ndërmarrë nga ana e organit përkatës në lidhje me rekomandimin:			
5.5 A ju është shqiptuar ndonjëherë masa e sanksionimit si p.sh vërejtje, gjobë, punë provuese, pushim i detyrueshëm, rehabilitim, shkarkim ose ulje në pozitë apo ndonjë lloj tjetër i sanksionimit si rezultat i rekomandimit ? PO ☐ JO ☐			
Masa sanksionuese			
Shqiptuar nga		Data e sanksionimit	
A keni qenë të informuar lidhur me masën sanksionuese? PO ☐ JO ☐			
Data e njoftimit:		Njoftimi është bërë nga:	
5.6 A është zbatuar masa disiplinore ? PO ☐ JO ☐			
Data e fillimit të zbatimit të masës sanksionuese:			
Data e përfundimit të zbatimit të masës disiplinore:			
5.7 A ju është shqiptuar ndonjëherë masa për suspendim të përkohshëm? PO ☐ JO ☐			
Kërkesa për suspendim ishte bërë nga			
Autoriteti i ngarkuar me imponimin e masës së suspendimit		Data e vendimit	
Kohëzgjatja e suspendimit			

5.8 Jepni informata shtesë që ndërlidhën me pjesën nr. 5 të këtij formulari, për të cilat ju mendoni se janë të rëndësishme për tu adresuar gjatë procesit të shqyrtimit të aplikacionit tuaj

6. Shkeljet penal dhe civile

Kjo pjesë ka njëmbëdhjetë pyetje. Përgjigjuni në çdo pyetje me "PO" ose "JO".
Për çdo përgjigje "PO" ju lutemi jepni informatat e kërkuara.

6.1.A jeni hetuar ndonjëherë për ndonjë vepër të pandehur penale?

PO ☐ JO ☐

Data kur kanë nisur hetimet

Data kur kanë përfunduar
hetimet

Hetimet u zhvilluan nga (institucioni)

Qyteti ku ishin zhvilluar hetimet

Shteti

Lloji i veprës penale:

6.2.A keni qenë ndonjëherë i arrestuar apo i dyshuar për aktivitet kriminal?

PO ☐ JO ☐

Data e
arrestimit

Qyteti

Shteti

I arrestuar nga (institucioni)

Arsyeja e arrestimit:

6.3.A keni qenë i akuzuar ndonjëherë për vepër penale?

PO ☐ JO ☐

Data e ushtrimit të aktakuzës

Vendi i ushtrimit të
aktakuzës

Shteti

I akuzuar për

Përshkruani rastin shkurtimisht:			
6.4.A jeni gjykuar ndonjëherë për vepër penale? PO ☐ JO ☐			
Data e dënimit		Gjykat a	
Qyteti		Shteti	
I dënuar për			
Natyra e vendimit të gjykatës (përshkruani vendimin):			
6.5. Nëse kundër vendimit të shkallës së parë është ushtruar ankesë me mjetë të rregullta juridike, ju lutemi plotësoni informacionin e kërkuar në vijim.			
Data e vendimit të shkallës së dytë		Gjykata e shkallës së dytë	
Qyteti		Shteti	
1.6 Nëse vendimi është kundërshtuar me anë të mjeteve të rregullta juridike, ju lutemi jepni të gjitha detajet?			
1.7 Nëse është shqiptuar ndonjë masë sanksionuese nga gjykata, a është zbatuar ajo? PO ☐ JO ☐			
Gjykata që bëri zbatimin		Qyteti	Shteti
1.8 A keni marrë pjesë ndonjëherë në cilësinë e paditësit apo të paditurit në gjykatë civile			

apo ekonomike (duke përjashtuar rastet e shkurorëzimit)? PO ☐ JO ☐			
Data e procesit gjyqësor		Gjykata	
Gjykata ku është ushtruar procedura gjyqësore		Shteti	
Përshkrimi i procesit gjyqësor:			
1.9 Nëse kundër vendimit është ushtruar ankesë me mjetë të rregullta ose të jashtëzakonshme juridike, ju lutemi jepni të gjitha detajet?			
1.10 A keni vepruar ndonjëherë në cilësinë e debitorit në ndonjë procedurë apo të kreditorit në procedurë të ekzekutimit? PO ☐ JO ☐			
Data kur është ushtruar padia për ekzekutim			
Qyteti		Shteti	
Gjykata			
Përshkrimi i padisë:			

1.11 A keni qenë ndonjëherë objekt i procedurës penale për ndonjë shkelje të vogël penale? PO ☐ JO ☐			
Institucioni që kishte nisur procedurën			
Data e nisjes së procedurës		Gjykata	
Qyteti		Shteti	
Përshkruani natyrën e vendimit të gjykatës:			

2. GJUHA PËR INTERVISTË

Dëshiroj të intervistohem në:

☐ Gjuhën Shqipe

☐ Gjuhën Serbe

Autorizimi për kërkimin dhe dhënien e informatave personale

Me anë të nënshkrimit tim:

- Unë e autorizoj KPK-ën që të marrë informata për mua nga organet e shënuara më poshtë;
- Unë i autorizoj organet e shënuara më poshtë që t'i ofrojnë KPK-ës informatat e mia personale
- Këto organe janë:
- Policia e Kosovës, Gjykatat e Kosovës dhe organet përkatëse në shtetet tjera që mbajnë shënime të hetimeve penale dhe dënimeve;
- Njësia e Inteligjencës Financiare;
- Agjencia kundër Korrupsionit.
- Agjencia Kosovës për Inteligjencë.

Data:

Nënshkrimi:

Deklarimi dhe konfirmimi

Me anë të nënshkrimit tim, unë deklaroj se:

- Informatat në këtë formular aplikimi dhe në formularin për vetvlerësim si dhe informatat e përfshira në shtojcat e këtij formulari për emërim si prokuror janë të vërteta dhe të sakta,

dhe janë bërë nën përgjegjësinë për deklaram të rrejtshëm;

- E autorizoj Këshillin Prokurorial të Kosovës për të verifikuar këto informata;
- Jam i vetëdijshëm se për çdo deklaram të rrejtshëm në këtë formular aplikimi unë do ta humb të drejtën emërimit si Kryeprokuror i Shtetit;
- Jam i vetëdijshëm se për çdo deklaram të rrejtshëm në këtë formular aplikimi apo formularin e vetvlerësimit, e i cili do të zbulohet pas emërimit tim si Kryeprokuror i Shtetit, menjëherë mund të jem objekt i procedurës disiplinore dhe të rekomandohem për shkarkim nga pozita e Kryeprokurorit të Shtetit.

Data:

Nënshkrimi: _____

Lista e dokumenteve (të fotokopjuara, jo origjinale) për dorëzim

1. Dekreti Presidential për emërim dhe riemërim;
2. Certifikatat e Trajnimit
3. Certifikata e Shkollimit



Republika e Kosovës
Republika Kosova / Republic of Kosovo
Këshilli Prokurorial i Kosovës / Tužilaški Savet Kosova / Kosovo Prosecutorial Council

Forma numër 2

FORMULAR I VET-VLERËSIMIT
PËR POZITËN E KRYEPROKURORIT TË SHETIT

<u>Të dhëna personale</u>			
<u>Mbiemri</u>		<u>Emri</u>	[] Mashkull [] Femër
Kualifikimet dhe Aftësitë – Vet-Vlerësim Vet-vlerësimi përbën një pjesë të rëndësishme të aplikacionit tuaj dhe ju lejon që të paraqitni shembuj se si ju keni demonstruar kualitetet dhe aftësitë nga përvoja e juaj e mëparshme. Ju mund të paraqitni shembuj jashtë punës suaj në Prokurorinë e Shtetit duke përfshirë edhe përvojën tuaj nga jeta personale. Vet-vlerësimi nuk duhet thjesht të jetë përsëritje e historikut të punës suaj. Ju lutemi të jeni konciz, përgjigjuni çdo treguesi, meqë kufizimi i paraparë për çdo katrorë është prej 250 - 500 fjalë. Formulari për shënime (pika) është i pranueshëm dhe ju lutemi të përdorni vetëm fontin book antiqua 11. Ju lutemi të jepni shembuj specifik të cilët demonstrojnë se si mund të maten shkathtësitë tuaja me kualitetet dhe aftësitë e kërkuara të nivelit të përshtatshëm për pozitën e Kryeprokurorit të Shtetit. Nuk mjafton të shkruani në mënyrë të përgjithshme lidhur një situatë dhe and çfarë ka ndodhur – ne dëshirojmë ta dimë konkretisht se çfarë keni menduar, cilat veprime i keni ndërmarrë, si e keni trajtuar situatën dhe rezultatin.			

Udhëheqja dhe caktimi i drejtimit

Treguesit (Pyetjet):

- Aftësi për të formësuar objektiva afatgjata për Prokurorin e Shtetit në bashkëpunim dhe konsultim me të tjerët për të krijuar një Prokuror të Shtetit që do të jetë i pavarur, i paanshëm, profesionist, dhe llogaridhënës dhe që reflekton natyrën shumetnike të Kosovës dhe parimin e barazisë gjinore;
- Aftësi për të identifikuar problemet sistemore ose dobësitë dhe të ndërmerri veprim të përshtatshëm për zgjidhjen e tyre;
- Aftësi për të zhvilluar dhe mbajtur komunikim të efekshëm me institucionet relevante që janë brenda dhe jashtë sistemit të drejtësisë penale të Kosovës;
- Aftësi për të kuptuar marrëdhëniet e jashtme të Prokurorit të Shtetit dhe të drejtojë dhe balancojë me kategorinë e presioneve politike, nacionale dhe ndërkombëtare;
- Aftësi për të siguruar adresimin e objektivave dhe nevojave të Prokurorit të Shtetit;
- Aftësi për të komunikuar në mënyrë të efektshme dhe pozitivisht me mediet;
- Qartëson dhe formëson rolin e Prokurorit të Shtetit gjatë kryerjes së shërbimeve për publikun.

Shkathhtësitë menaxhuese dhe aftësitë për arritjen e rezultateve

Treguesit (Pyetjet):

- Të jetë i aftë që të planifikojë dhe organizojë punën e Prokurorit të Shtetit për të siguruar që Prokurori i Shtetit të arrijë rezultate
- Në mënyrë të efektshme të delegojë dhe zhvillojë strukturat menaxheriale dhe organizative;
- Të jetë në gjendje të kuptojë dhe të përdor një spektër të gjerë të menaxhimit të informacionit (p.sh., buxhetet financiare, statistikat e performancës) në mënyrë kompetente dhe të veprojë në bazë të asaj se çfarë tregojnë ato;
- Të jetë në gjendje të promovojë përdorimin e mjeteve profesionale të menaxhimit dhe të zhvillojë teknika të reja për të pasur përmirësim të rezultateve;
- Të jetë në gjendje të krijojë një kulturë të fleksibilitetit dhe të reagimit, të mobilizojë të tjerët për të reaguar shpejt ndaj ndryshimit të nevojave dhe prioriteteve dhe duke siguruar që rëndësia e arritjes së objektivave të komunikohet dhe të kuptohet nga i gjithë stafi i Prokurorit të Shtetit;
- Të jetë në gjendje të analizojë arsyet e suksesit dhe të dështimit dhe të sigurojë që mësimet e nxjerra nga përvoja të jenë mësuar dhe veprimet të ndërmerren.

Puna me njerëz dhe menaxhimi i tyre

Treguesit (Pyetjet):

- Aftësia për të ndërtuar dhe mirëmbajtur raporte pozitive me të tjerët brenda Prokurorisë së Shtetit dhe për të vlerësuar mendimet dhe punën e të tjerëve brenda Prokurorisë së Shtetit
- Aftësi për të komunikuar në mënyrë të efektshme brenda Prokurorisë së Shtetit; mund të inicojë dhe të ruaj mbështetjen dhe përkushtimin e të tjerëve për ndryshime, por të jetë në gjendje të paraqes mesazhet jo të popullarizuara në mënyrë të efektshme;
- Aftësi për të promovuar dhe mbështetur fokusin në përmirësimin e vazhdueshëm të performancës dhe fasilton të tjerët për të identifikuar dhe zgjidhur problemet;
- Aftësi për të siguruar zhvillimin e shkathtësive profesionale dhe të njohurisë për gjithë stafin e Prokurorisë së Shtetit me qëllim të avancimit të performancës dhe të profesionalizmit;
- Aftësi për të menaxhuar individët dhe zyrat me konsistencë, profesionalizëm, objektivitet dhe në mënyrë të drejtë dhe të krijojë një mjedis të mirë për punë për gjithë stafin e Prokurorisë së Shtetit; njeh dhe shpërblen performancën e mirë dhe shqyrton performancën e dobët.

Shembull për të tjerët dhe me integritet

Treguesit (Pyetjet):

- Demonstron aftësi për të gjykuar mirë në situata personale dhe profesionale në pajtim me standardet më të larta profesionale;
- Personalisht pajtohet me parimet dhe dispozitat nga Kodi i Etikës dhe i Sjelljes dhe me legjislacionin i cili kërkon të sigurohet integriteti, nderi dhe korrektësia etike;
- Prin si shembull për të tjerët në sjelljet e etikës së lartë, integritetit, paanshmërisë, llogaridhënies dhe parimeve të mosdiskriminimit dhe të drejtave të njeriut;
- Siguron që Prokurori i Shtetit të veprojë në pajtim me parimet dhe mekanizmat e llogaridhënies dhe inkurajon për një kulturë të sjelljes me etikë të lartë, pavarësi, paanshmëri, profesionalizëm dhe pajtim me të cilat kërkon të sigurojë integritetin, nderin dhe korrektësinë etike brenda institucioneve;
- Kërkon mundësi për inovacion dhe ka kurajon mënyrën se si kryhen punët.

Njohuri dhe përvojë praktike nga sistemi i drejtësisë penale (duke përfshirë çështjet relevante të të drejtave të njeriut)

Treguesit (Pyetjet):

- Kupton rolin e Prokurorit të Shtetit brenda sistemit të gjithmbarshëm të drejtësisë penale (duke përfshirë përgjegjësitë e përbashkëta të institucioneve penale të drejtësisë dhe bashkëpunimin dhe bashkërendimin ndërmjet institucioneve)
- Ka njohuri kredibile dhe të respektuar të ligjit dhe të sistemit të drejtësisë penale duke përfshirë edhe çështjet relevante të të drejtave të njeriut;
- Aftësi për të ndikuar pozitivisht, këshillojë dhe udhëzojë prokurorët lidhur me ligjin dhe procedurat.
- Demonstron të arriturat e punës së tij/saj praktike në sistemin e drejtësisë penale.

Unë: _____ (emri, mbiemri) deklaroj me bindje të plotë se këtë vet-vlerësim e kam plotësuar vet dhe se përmbajtja në të është e saktë.

Nënshkrimi: _____

Data: _____

FORMULARI NUMËR 3

KONCEPT DOKUMENTI

Mbiemri:	
Emri:	

I. Vizioni lidhur politikat dhe strategjitë në Prokurorin e Shtetit dhe KPK për shtatë vitet e ardhshme;

1. Si e vlerësoni situatën në Prokurorinë e Shtetit në vitin 2014?
2. Cilat mendoni se janë përparësitë kryesore të Prokurorisë së Shtetit ?
3. Cilat janë mangësitë kryesore të Prokurorit të Shtetit?
4. Cilat janë rreziqet, sfidat dhe/apo mundësitë e veçanta?

II. Aftësia drejtuese dhe lidhshipi për te udhëhequr sistemin prokurorial ne shtate vitet e ardhshme;

1. Cili është vizioni juaj për Prokurorin e Shtetit në 2021?
2. Cilat vështirësi apo rreziqet kryesore i prisni gjatë përmbushjes së këtyre objektivave?
3. Si do t'i tejkaloni ato?

III. Shkathtësitë dhe aftësitë menaxheriale për shtate vitet e ardhshme;

1. Për të përmbushur vizionin tuaj për Prokurorin e Shtetit cilat do të jenë tri objektivat e juaja kryesore dhe pse?

IV. Vizioni për te menaxhuar me personelin ne sistemin prokurorial; dhe

Ju lutem renditni hapat praktik që do t'i ndërmerrni gjatë shtatë viteve të ardhshme për të përmbushur objektivat kryesore?

1. Cilat hapa do t'i ndërmerrni në 12 muajt e parë?
2. Cilat hapa do t'i ndërmerrni në 4 vitet e para?

3. Cilat hapa do t'i ndërmerrni deri në përfundimin e këtyre 7 viteve?

V. Integriteti, njohuri dhe përvoja praktike të sistemit të së drejtës penale (përfshirë çështjet relevante të të drejtave të njeriut).

1. Përvoja e juaj e deri tanishme?
2. Hapat që do të ndërmerrni për të ngritur nivelin e besueshmërisë së sistemit prokurorial?
3. Cfarë do të ndërmerrni për të adresuar rekomandimet e KPK-së, lidhur me anketën për prokurorë për vitin 2013?
4. Cfarë planifikoni të ndërmerrni për të siguruar se prokurorët respektojnë të drejtat dhe liritë e të pandehurve në procedurë, me theks të veçantë ndaj grupeve të ndjeshme?

Koncept dokumenti nuk duhet të përmbaje më shumë se 30 faqe me shkrim "book antiqua", madhësia 12, hapësirë njëshe.

Deklaroj se përmbajtjen e këtij Koncept dokumenti e kam përgatitur vet, dhe jam në dijeni se koncept dokumenti i Kryeprokurorit të emëruar do të publikohet në ueb faqe.

Nënshkrimi: _____

Datë: _____

FORMULARI NR. 4

Formulari i vlerësimit sipas kërkesës së kandidatit

Emri dhe mbiemri i kandidatit: _____

ANETARI	INTEGRITETI	VETEVLERESIMI	KONCEPT DOKUMENTI	INTERVISTA
A				
B				
C				
D				
E				
F				
G				
H				

Totali i poenave: _____